

KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

BABYLONNI SACHIANIKO JECHAKANI

Daniel 1:1-21

GOLPO...



Jensalo Nebukadnezzar Jerusalem songjinmako chipchangdulahaon, hajalni hajal Jihudirangko Babylonona rim-gitange ra-angaha. Jihudi rim-gitangbagiminoniko gisik seng-gipa, saggipa aro ning-tuaniko ma-sigipa panterangko basechina uni nokkol, Ashpenazko raja ge-etaha, jemangan bilsil gittamna Babylonni ku-sik aro u-ianiko skie ra-na gita rajani nokona re-bagenchim jedukode uamang rajana dangdike on-na man-genchim.

Daniel, Hanania, Mishael aro Azariachi, Ashpenaz gisik salako man-aha aro uamangko rajani nokona rimangaha. Indiba uano neng-nikani gnangchim. Ia panterangna on-gipa, be-enang gaggipa cha-ani aro ringanirangoara Isolni Kattao beng-gipa cha-anirang bang-beachim.

Mandera-gijaniko dakna sikjae, Daniel, una aro uni sakgittam ripengrangna cha-na gita samjakko aro ringna gita chiko on-china bi-aha. Skanggipade rajani nokkol uamangni bi-aniko on-na jechakaha. “Na-simang indake cha-ode be-en an-seng mangrake dongna man-jawa!” ine ua aganaha. “Na-simang saagen, aro unikode raja angni skoko sotgen.” Indiba Daniel ka-sine mol-molaha, sal 10na uamangko dake nie, ja-mano rajani cha-aniko cha-giparang baksa uamangni be-en bimangko tosusae nichina aganaha.

Iako dakna namnikaha, aro sal 10na ia sakbri Ibri panterang chiko ringaha aro ramrangipa samjakko cha-aha. Dake niani bon-kamao, Daniel aro uni sakgittam ripengrangko “rajani nama cha-aniko cha-gipa pilak panterangna bate uamangni mikkangrangko nitobate aro milbate nikaha.” Daniel 1:15.

Bilsil gittamni ja-mano, ia panterangko Nebukadnezzar Raja dake niaha, aro Babylono donggipa pilak seng-gipa manderangna bate uamang chang 10 seng-bata ine uamangko parakaha. Daniel bilsil 100 mangna janggi tangaha ine Sastro an-chingna agana. Daniel aro uni ripengrang ning-tue ma-sianiko, an-seng baljokaniko aro janggi tangbanganiko maikai man-na amaha.



PORAIANI

Satroni podko poraie bangbangrango gapatbo.

1. Mandena, Isolni a·bachenge on·gipa cha·aniara maiachim?

Abachenga 1:29 *Aro Isol inaha, “Nibo, anga ... pilak _____ gnanggipa sam, aro mamanti bitchri gnanggipa _____ nanggipa bolko na·simangna on·aha; ua na·simangna cha·ani ong·gen.”*

2. Adam aro Hobani pap ka·a ja·mano, uamangna cha·china gita mai cha·aniko on·dapaha?

Abachenga 3:18 *Na·a a·baoni _____ cha·gen.*

U·IE RA·ANI: Mandena a·bachenge on·gipa cha·anirangara bite, bitchri aro bikrok gnanggipa biterangan ong·achim. Isol, Adam aro Hoban, uamangni pap ka·ani ja·mano, boljanggini biteko cha·na gita man·jahaosa me·surangko cha·china on·dapaha.

3. Isolara an·chingni be·en an·seng baljokanina gisik nangama?

Mati 4:23 *Aro Jisu pilak Galilio re·roroe uamangni gilja nokrango skiaha, aro songnokni nama kattako aganprakaha, aro manderangni gisepo pilak biatirang aro pilak bilgriarangko _____.*

3 Johan 2 *Ka·sara, nang·ni janggini namrroa gitan, na·a pilakni gimin _____ aro _____ anga bi·a.*

U·IE RA·ANI: An·chingni be·en an·seng baljokaniara Isolna namen nangchongmotgipa ong·a ine Sastro an·chingna skia. Uni skiprakengmitingo Jisu an·sengatani kamko ka·anio bang·bea somoirangko ra·aha. An·chingni an·seng baljokaniko namdapatna aro an·chingni janggiko bakrobatatna adita Sastroni niamrang gnan, jerangkon an·ching ja·rikna gita man·gen.

4. Uamang Una dangdikgenchimode aro bamgenchimode, Ua uamangoniko pilak saa biatirangko ra·galgen ine Isol Isrealni dedrangna ku·rachaka. Ua An·tangni ku·rachakaniko rakkiahama?

Gitrang 105:37 *Ua uamangko rimongkatbaaha; aro Uni ma·chongrangni gisepo _____ _____ dongjachim.*

U-IE RA-ANI: Chanchiate nibo! Jensalo Isolni manderang ku-rachakgimin a-songona re-baon, ma-chong gimiko saksamangba sagipa ba bilgrigipa dongjachim.

5. An-chingni an-seng baljoke donganiara maina Isolna inditan nangchongmotgipa ong-a?

1 Korinthirangna 6:19, 20 *Na-simangni be-en ... Gisik Rongtalgipani _____ ong-a ... Uni gimini na-simangni _____ Isolko rasong chaatbo.*

Romrangna 12:1 *Na-simangni _____ tanggipa _____, rongtala, Isolni namnikgini gita on-bo.*

U-IE RA-ANI: Isol an-chingni be-en bimangrangko Uni rongtalgipa dongram biap ong-aniko nangnika. Uni gimini an-chingni be-en bimangrangko an-senggipa namgipa biap Uni dongram ong-atna an-ching basena nanggen.

6. An-seng baljokanina Sastroni gita namgipa dakna nanganiara maia?

1 Korinthirangna 10:31 *Uni gimini na-simang _____, _____, jeko dakoba, pilakkon Isolni rasongna dakbo.*

U-IE RA-ANI: An-chingni janggi tanganio an-ching nambatako dakna jotton ka-giparang ong-na nanga jedakode an-chingni pilak dakbewalrang - cha-oba aro ringoba - Isolko rasong chaatgiparang ong-gen.

7. Kristianrangara churangko ringna gita jakkalna man-ama?

Toe Skiani 20:1 *Chu ka-dingstekgipa, aro _____ aganwatwatatgipa, aro uchi pekatako man-gipa pilakan gisik gnanggipa ong-ja.*

U-IE RA-ANI: Sastro chu ringanirangko rongtalen beng-aniko daka. Sastroo “draka bitchi” ingipa kattaara peggipa ba peggijagipa draka bitchi ong-na man-a. Da-ororoni “cider” ingipa katta baksa ian apsana. Toe Skiani 23:29-32 o peggipa chuni gimini Sastroo talatani on-a, uko niatnamangba nangja ine Isol agana! Kristianrangni jakkalna man-gipade “gitalgipa draka bitchi” mangmangsan, jean peggijagipa, chi-gipa draka bitchi ong-a.

Isaia 65:8 *Maikai chokchimo draka bitchiko man-a.*

8. Saoba be-en bimangtangko marang nangatode Isolara uamangko mai dakgen?

1 Korinthirangna 3:16, 17 *Na-simang Isolni torom nokdring ong-a ... ine na-simang u-ijama? Saoba Isolni torom nokdringko gimaatode, Isol _____.*

LESSON 17

Reongkata 20:13 *Na-a mande _____.*

U-IE RA-ANI: Je bostu ba an-seng baljokaniko on-gijagipa dakbewalrang jean be-en bimangko nosto ka-a ba janggiko bakandikata, uarang pilakon galna gita nanga. Indake an-tangni janggiko bakandikataniba an-tangko so-ote siataan ong-aia. Namgijagipa drugs (jekai ta-maku, jedakgipa bimangoba ong-china) aro mingsinggipa drug indiba bilongen namgijagipa, jekon caffeine ine mingachim, ia pekatgipa ringani pilakon iano man-chapa. Jemangan an-tangtangni torom nokdring bimangko ma-sie nosto ka-engachim indakgipa manderangko Ua nisigen ine Isol agana.

9. Maidakgipa matburunrangko Isolara cha-na on-a?

Levirangna 11:3 *Matburunrangoni badita ja-skil _____ dake _____ daka, aro _____ chobaia, uko na-simang cha-na man-a.*

U-IE RA-ANI: Altue ma-sina man-na gita, pilak janggi ganggipa ong-atgiminrangko Isol bakgni dakaha: marang grigipa aro marang gnanggipa. Ua marang grigiparangko cha-na on-aha indiba marang gnanggipa ong-atgiminrangkode cha-na man-ja ine aganaha. Marang grigipa matburunrang pilakon minggni chinrang donga. Uaragara:

- 1) ja-skil pekgni dake ja-skep daka, aro
- 2) el-bue chobaia. Mesokna gita, wak ja-skil pekgni dake ja-skep daka indiba el-bue chobaija, uni gimin uade marang gnanggipa ong-a (Levirangna 11:7, 8).

10. Maidakgipa na-tokrang aro chini jonturang marang grigipa ong-a?

Levirangna 11:9 *Chirango donggipa pilakoniko iarangko na-simang cha-na man-a: ... jerangni _____ aro _____ gnang, uarangko na-simang cha-na man-a.*

U-IE RA-ANI: Bang-bata na-tokrang marang grigipa cha-anirang ong-a. Indimangba, na-nil, kotchia, sharkrang aro catfishrangkode iano man-chapja. Chio donggipa jonturang jerangan gangching aro bisingkaprang dongja uarangde marang gnanggipa ong-a aro uarangko cha-na nangja. Mesokna gita, etchalurang, ki-singrang, beng-blokrang, beng-bongrang, na-tikrang, gapchilekrang, aro uarang gita dakgipa.

11. Badiagipa do-orang marang gnanggipa ong-a?

Levirangna 11:15, 16 *Do-kani pilak ma-arang, aro _____, aro _____, aro sagalni do-reng, aro do-rengni pilak ma-arang.*

U-IE RA-ANI: Levirangna 11 o janaggipa jean do-oskarangko chike cha-giparang, so-gimin be-enrangko cha-giparang aro na-tok cha-giparangde marang gnanggiparang ong-a. Indiba, pilak cha-aniko am-e cha-gipa do-orang jedake do-bekrot, do-nokrang aro do-grikrangde marang grigipa ong-a.

12. Ia marang grigipa aro marang gngangipa matburunrangni niamrangara Moseni dakjagringsogipa niam, jean chisolo bon-chongdikatahachim, uni bakan ong-ama?

A·bachenga 7:1, 2, 3 *Na·a aro nang·ni nokgimik ringona naptokbo, ... Na·a _____ jillani, ma·prakoniko jikse sni sni; aro _____ jillani _____ ... an·tangona rimbo.*

U·IE RA·ANI: Ong·ja, Isolni marang gri aro marang gngang dake bak dakanide a·gilsakko Ong·atchengaonian donga. Noara marang grigipa matburunrangko jora sni sni aro marang gngangiparangko jorasa dake ringona rimnapchina agananiko man·aha, jean Moseni niamna inditan ru·ute skanggipa ong·aha.

13. Marang gngangipa cha·anirangko cha·aniara bilongbegipa dosko dakani ine Isolara aganama?

Isaia 66:15, 17 *Maina, nibo, ... Jihova _____ gngang re·bagen, aro uni rotrang balminduri gita ... “ _____ be·enko, aro menggotchiko cha·e ... an·tangtango rongtalatgiparang, uamang damsang _____ ine Jihova agana.*

U·IE RA·ANI: Oe! Sastroko ma·sisretna gita namen altubea. Uni gnigipa changna re·baplanio, Uni Kattako ma·sieba wakni be·enko aro gipin marang gngangiparangko cha·giparangko Jihova nisigen.

14. Kristianrangna an·seng baljokanina namgipa dakna nanganiara maia?

1 Korinthirangna 9:25 *Susagrikgipa sakanti pilakni gimin _____*

U·IE RA·ANI: An·tango rakkia inani ortode namgija pilakon chu·gimik gelsrangani aro namgiparangko dugae ong·gija nangani kri jakkalani ine ong·a.

15. Sastroni an·seng baljokani niamrangko da·aloba jakkalkuengama?

- A. *Ma·eke donganiara batrikrikgipa sabisiko komiata (Levirangna 13:46).*
- B. *A·pal re·aniko dape galna nanga (Deuteronomy 23:12, 13).*
- C. *Auani aro ba·rarangko su·sranganianara chonchonggipa jo·onrangko komiata (Levirangna 17:15, 16).*
- D. *Til·ekgijaniara sabisirangko champenga (Levirangna 18; Toe Skianirang 5:1-12; Kolossirangna 3:5, 6).*
- E. *Matburungni mitimrangko cha·na nangja (Levirangna 3:17; 7:22-24).*

LESSON 17

- F. *Miknengani aro ka-onanganiara saksa sakgipinni an-seng baljokaniko nosto ka-a (Levirangna 19:17, 18; Toe Skianirang 15:17; Ibrirangna 12:14, 15).*
- G. *Cha-betbonganiara kenbegnigipa ong-a (Toe Skianirang 23:2).*
- H. *An-chingni be-en bimangrang namedake neng-takaniko nanga (Gitrang 127:2; Mark 6:31).*
- I. *Kam ka-na nangchongmotani (Re-ongkata 20:9, 10; 2 Thessalonikarangna 3:10).*
- J. *Namgipa dakbewalara namgipa sam ong-a (Toe Skianirang 17:22; 1 Timothyana 6:6).*
- K. *Ma-a paarangni dakbewalrang dedrango nangea (Deuteronomy 12:25; Re-ongkata 20:5).*

U-IE RA-ANI: Re-anggipa bilsi hajalrango Isolni an-tangni manderangna on-gipa an-seng baljokani niamrangko scienceni gita ma-sina uamangni somoioni namen chel-gipa ong-aha. Uarang baditan bang-bee kakketgipa namgniko on-a ine an-chingni ma-siani adita bilsirangsan ong-kuenga.

16. Manderang salgioba matburunrangko so-ote cha-kugenma?

Isaia 65:25 “*Angni rongtalgipa a-bri gimiko uamang duk _____ aro _____” ine Jihova agana. Parape-a 21:4 Aro siani _____.*

U-IE RA-ANI: Pap napani ja-mano Adam aro Hobani gimaatgimin pilakkon, a-bachengo on-gipa cha-ani ringanirangkoba man-chape, Isolni gital songnoko namatpilgen. Ua gital a-gilsako matburunrangko so-otani ba cha-anirang dongjawaha.

17. Anga maikai Isolni namnikgni gita cha-a ringaniko aro an-seng baljokaniko dingtangatna man-gen?

Ezekiel 11:18-20 *Aro uamang _____, aro uamang uanoniko pilak _____ aro mitchignirangko ra-anggen, aro Anga uamangna ka-tong ge-sako on-gen, aro Anga na-simangni ning-o gisik _____ on-gen, ... maikai uamang Angni niamrangko re-e Angni bichalrangko manina aro dakna man-gen.*

U-IE RA-ANI: Jensalo an-ching Isolni on-gipa an-seng baljokani niamrangko manina miksongahaon, an-seng baljoke janggi tangna gita nangenggipa bilrangko an-chingna on-gipa gisik gitalko an-chingni ning-o Ua dona (Johan 1:12).

NANG·NI AGANCHAKANI

Isol, Daniel aro uni ripengrangni Uni an-seng baljokani niamrangko rakkianiko mandera-aha, jerangan Kristian janggi tanganio namen nangchongmotgipa bak ong-a. Nang-ni be-en bimangko rongtalgipa torom nokdring dake Uni Gisik jringna dongkamchina gita Isolni Kattaoniko, an-seng baljokani niamrangko ja-rikna na-ara skengama?

AGANCHAKANI: _____

PORAIDPANI

Ia bak poraidapaniko dakna u-iatdapaniko on-a.

Pitorni Mikjumang Nikaniko Ma·sie Ra·ani

Bang-aan dal-gipa chadorni gimin Pitorni mikjumang nigkipako (Watata. 10:9-28) marang gnannggipa matburunrangko cha-na man-aiia ine agana gita jakkalna jotton ka-aha. Uamang indake agana je ong-atgiminrangoni je janggi gnannggipakoba cha-na man-aiia ine ra-chakchina Jisuan Uni sninggiparangna skiaha ine ianon sakkiko on-a.

Indiomangba, Pitor, chador dingonbaa changanti marang gnannggipa matburunrangko doke cha-china aganako man-ahaon, ua indake aganchakaha, “Indake ong-ja, Gitel! Maina anga changsaba marang gnannggipako aro rongtalgijako cha-kuja.” Watata. 10:14. Chanchie nibo je bilsi gittam adhana Jisuni skiako knatimgenchim ong-oba, Pitor on-ti mintimangba rongtalgija cha-anirangko cha-na man-aiia ine agananiko ba gisiko salako man-kuja. Aroba ian gisiko nangatbeani ong-a je uni mikjumang nigkipaoniko, Pitor pangnaba mamungkoan cha-na gita chadroniko ra-jaha.

Chadorni gimin Pitorni mikjumang nigkipara mamungdakeba marang gnanng matburunrangko cha-china rongtalatani gimin ong-ja. Pitor an-tangan mikjumangni ortoko pod 28 o talata: “Darang mandekoba marang ba rongtalja inna nangja ine Isol angnan mesokaha.” Changsatai pod 34 o jensalo ua indake aganahaon, Pitor mikjumangni miksonganiko talatgopatani daka, “Bebean Isol mikkang nigipa ong-ja ine anga u-ia.”

Pitorna Isolni mesokgipa nama kattaara manderangko rongtalatni giminsa ong-a, matburunrangko ong-ja. Gipin Jatrangko rongtalja ine changaljachina, aro nama kattakoara a-gilsakni pilak manderangan mamung peng-panga gri aganprakna man-aiia ine Jihudi sninggiparangko gisiko nangatnasa ia mikjumangkoara mesokaha.

LESSON 17

Isolo Bi-aniara Cha-ani Rongtalatama?

Ja-mani salrango bebera-atangko jegalani gimin 1 Timothy 4:1-5 o mikrakatgipara adita skianirangko man-chapa - uaragara namgijagipa gisikrang, bia ka-na beng-ani, aro adita cha-anirangoniko an-tangko rakkichina ge-etani. Haida dal-batsranggipa ma-sisretanide pod 4 an ong-naba donga, jeon indake seaha, “Isolni pilak dakgimin nama ong-a.” Ia podni miksonganiara pilak ong-atgiminrangkon miksonga gnang ong-ataha inesa ong-a. Indiba mitamrangde gisiko nange aro mitele bi-genchimode pilak matburungan cha-na namaijok inesa ma-siskaa. Jeni miksonganian do-reng, karo ba seluk, gipi, ba do-bakba Isolo bi-jokode cha-na namaijok ine ong-a. Indake pe-aniara kragijagipa aro kenbegnigipa ong-gen. “Na-simang brangatako man-nabe; Isol kal-stapani ong-ja; maina mande jeko sata, ukon ua ragen.” Galatiarangna 6:7.

Pilak ong-gija dake chanchiaoniko an-chingko champengna gita, Paul ta-rake agandapaha: “maina Isolni katta aro bi-achi ua rongtalatako man-a” 1 Timothy 4:5. Indide skanggipa Isolni katta sakkiko on-chengna nangen, uni ja-manosa mitele bi-ani uko cha-na rongtalatgen.

Ian ma-sina dakchakbea je “be-en” ingipa kattara Greek ku-sikode be-en mangmangko miksongja. Greek katta “broma” ingipara “cha-ani” inesa ong-a. An-ching ma-sina man-a je Pualni agangipara Sastroni marang gnanggipa matburunrangko miksongja, maina be-enrang jean mitam cha-anirangara beng-giminrang ong-achim “jerangko bebera-giparang aro bebeko u-igiparang mitelan baksa ra-pachina Isol dakaha.” Pod 3.

Mitele bi-achi ra-chakna man-gipa Isolni ong-atgimin cha-anirangko Sastroo nikna altubea (Abachenga 1:29; 3:18; Levirangni 11:1-22). Ia segiminrangkoara “bebera-giparangna aro bebeko u-igiparangna” seaha. Isolni Kattaan bebe ong-a. Uni Kattako “bebera-giparang aro u-igiparang” mangmansan “rongtalatgimin” aro “mitelachi ra-chakna man-gipa” ong-atgiminrangona dilangako man-gen. Marang gnang be-enrangko cha-angkue “an-tangtangko rongtalatgiparang” Kristoni gnigipa re-bapilani somoio nisiatako man-gen (Isaia 66:15-17).